

QUOD Naaman Syrus ex Prophetæ jussu in Judæam se contulerit, inque amne Jordane septies se abluerit, ejus confidentia in Prophetæ verba ascribendum, q̄ verò à lepra eâ lotione liberatus fuerit, divinæ omnipotentiæ miraculū est: Lepra n. quæ in sanguine & radicalib. corporis humani mēbris impacta, velut cancer universalis existit, nullis lotionib. externis curari aut tolli potest, multò minùs aquæ frigidæ, qualis fuit Jordanis. Eodē modo, q̄ æs Philos. laboras hydropisi, ab ea liberetur aquæ lotionib. imò q̄ imperfectū ad perfectionē & ægrū ad sanitatē educatur, adeò ut aliis ægris eandē impertiri possit, miraculo proximū est: Nō n. in natura alias ejusmodi exemplū exstat, nec naturæ ordinaria via est producere tincturā Philos. absolutissimā, nisi ab artifice gubernetur, eiq; apta subjecta administrētur cum efficiēte externo. Sic luxationū restitutio nō est naturæ propria, sed arti; Nihilominus miraculosè in partu humano os sacrum se aperit, ut fœtus per id exire possit, velut p̄ ostiū, inq; hoc Deus Opt. Max: per naturā supra naturā operatur. Ita q̄ Lapis perficiatur, hyperphysicū qd, quāvis reverà physicū sit, videri potest: Unde Philos. apud Rosariū, scias, inquit, q̄ lapis noster aérius & volatilis est in suo manifesto frigidus & humidus, & in suo occulto calidus & siccus est: Et illa frigiditas & humiditas, quæ in manifesto est fumus aquosus, corrumpēs, denigrās & destruēs se & omnia, fugit ab igne: Et caliditas & siccitas, quæ est in occulto, est aurū calidū & siccū, & est oleū mūdiissimū, penetrativū in corporib: & nō est fugitivū; quia caliditas & siccitas Alchymiae tingit, & nō aliud: Fac ergo, q̄ frigiditas & humiditas aquosa, quæ est in manifesto, sit cōpar caliditati & siccitati, quæ est in occulto, ita ut insimul cōveniat & cōjungātur & fiat insimul unā penetrās, tingēs & profundans: Has autē humiditates oportet destrui per ignē & gradus ignis cum molli tēperamēto & cōgrua ac moderata digestione. Hæc ibi: Quod si verū, quomodo aquis ab aquis liberari poterit? sed respōdendū, esse quādā aquas calidas & siccias in qualitate, quales sunt multæ thermæ, in quib. Philos. abluendū sit: Hoc n. est, q̄ dicūt, lava igne & cōbure aqua: Nā ignis, qui lavat, & aqua, quæ cōburit, nō nisi nomine ab invicē distat, effetu & operatione conveniunt: Hac itaq; aqua, vel hoc igne illud æs abluen-